





H. XIII. 10.




Listen  
Now Tacin.

937.1/III


31

111











Henrici Nicolai

1. de Multiplicitate Rei facta.
2. Tr. de Contradictionis Natura et Principio.
3. Tr. de Oppositione Enunciatorum.
4. Philosophia Liberalis Tabellis representata.
5. Disputatio Maystedica.
6. Tr. de Notis naturalibus.
7. Tr. de Cognitione humana universa, duabus Dissertationibus comprehensa.



DE MULTIPRÆSENTIA REI  
FINITÆ,

TRACTATUS SINGULARIS.

EXERCITATIO I.

De Statu Controversiæ, & argumentis  
nonnullis pro Multipræsentia.

Respondente,

MELCHIORE DREILINGIO,

Rigâ-Livono.

T H E S I S I.

**V** Tunda undam in flumine trudit: Sic disceptatio  
disceptione in literarijs consiliis excipit, & interdum  
promittit. Occasione eorum, quæ de Christo Salvatore  
Nostro, & generis nostri Sequestro, in sacris proposita habemus,  
& in Scholis inter literatos disceptare solemus, quæri inter alia  
ceptum est, Possitne Corpus, substantia finita, aut universim  
ulla finita res salva sua veritate, unitate, & finitate, in duobus  
pluribusve spatijs divinitus sibi: An hoc potius Contradictio-  
rium sit, proindeq; à veritate alienissimum, neque pote-  
stati divinæ subijciendum? Disceptata res est & antiquioribus  
Scholasticis, Thomæ, Scoti, Occami, Bielii, Alensi, Bona-  
venturæ, Lombardi, alijsq; & Neotericis Philosophis ac  
Theologis, cum Pontificijs, cum Reformatis, & Nostratibus,  
ut §. 32. 74. patebit. At ut in re difficili & obscurâ solet, non  
sine sententiarum divergio disceptata est. Reformati commu-  
niter ad negantem inclinârunt, ut ex multorum testimonijs alle-  
gatus Tractatu de Esse alicubi f. 4. §. 67. ostendi. Paucissimi  
contrâ erunt, ut §. 30. patebit. Sohnius contra multi & omni  
præsentiam Corporis Christi prolixam disputationem conscripsit,



To. 1.º Op. part. 2. disp. 10. Sadeel *integrum* librum de veritate humanæ Naturæ Christi, Crellius *duos libros de Eucharistiâ*, Et Vindicias *eorum contra Valentiam adversus eandem direxit*, Chamier *in oppugnandâ eâ multus est*, T. 2. Panstrat. l. 6. c. 9. 10. 11. Vedelius in Rationali Theologico passim Contractionis eam arguit. Et Wendelinus lib. 1. Theol. c. 16. §. 3. Considerator commonefactionis par. 2. arg. 7. nec secundum naturæ, nec sapientiæ & potentiæ DEI ordinem, nec secundum Physicas nec Hyperphysicas leges, nec secundum hujus vel futuri seculi statum esse, aut esse posse, verum corpus, unum & idem, eodem tempore in diversis locis ait. p. 628. Reformatis *in negando se junxerunt* Phoriniani, ut cit. loc. *adductum*. Vorstius *item*, Vorstianî, & Arminiani *inter negantes sunt*, ut ex Vorstio not. ad disp. 3. de DEO, p. 244. seq. Et Remonstrantium Apologiâ pro Confessione suâ, præfat. lit. i 3. 4. alijsq; *patet*. Et ante omnes hos Wiclefus & Wiclefitæ *illud negârunt*, ut ex Thomâ Waldensi Bellarminus lib. 3. de Eucharistiâ c. 1. *notat*. Veteres hæretici, qui *præsentiam realem Corporis Christi in Cæna negârunt*, ut, Iconomachi, Scotus quidam, non ille Scholasticus, Bertramus, Berengarius, Henricus, Petrus Bruis, Albigenes, Flagellantes, & *similes*, quos adducit Bellarm. l. 1. de Eucharist. c. 1. *etiam fortasse multipræsentiam corporis DEO possibilem negaverunt*. Pontificij & Nostrates *affirmantem arripuerunt*, ut §. 32. hujus Tractatus *constabit*.

2. Nos, quid commodissimè hic sentire dicivè possit, post Vbjetatis naturam peculiari tractatu distinctè traditam, novo tractatu *explicatum dare, non inutile duximus*. Nam & in naturâ & Esse alicubi inter alia hodiè disquiri solet, an *ultâ potestate corpus aliquod in pluribus spatijs salvâ sui veritate constitui possit*, ut cit. Tract. §. 61. *patuit*: Et ex sese cognata *materia*



## Exercitatio Prima.

3

*materia sunt, de Vbjetate & Multipraesentia, ut una ex alterius  
 explicatione multum lucis nancisci queat, cum Multipraesentia  
 finiti, supernaturalis aliqua Vbjetas divinitus finito conciliata  
 sit: Et primum dissensionis à nobis fundamentum in Re-  
 formatis ex eo est, quòd per multipraesentiam Corporis verita-  
 ti rei, DEI, Naturæ, & Essentiæ verissimè contradici existi-  
 ment, eòq; nostra sententia de praesentia corporis Christi in Cœnâ  
 accedere non possint, sed Multipraesentiam inter absolutè impossi-  
 bilia censere, & in hoc puncto à nobis dissentire coacti fuerint:  
 Ac ubi Oppositum ejus ostensum fuerit, facilior partium in  
 locis de Christo & Eucharistiâ futura fuerit conciliatio: Et à  
 Nullo Nostrorum distinctè satis & completè materies hæc tra-  
 ctata est, distinctis satis distinguendû, sententiâ propriâ solidè con-  
 firmatâ, & oppositis rationibus sufficienter solutis ac prostratis. Cum  
 tamen & ipsa materia scitu tractatûq; sit dignissima: & ad Con-  
 troversias hodiernas Theologicas de Personâ Christi ac Cœ-  
 na solidè intelligendas, explicandas, confirmandas, defendendas,  
 ab Contradictionibus vindicandas ac dijudicandas, variâq;  
 dubia in illis occurrentia accuratè resolvenda apprime utilis &  
 necessaria sit, cum passim in locis de Christo ac Cœnâ hæc occur-  
 rant, & plenè materia ista non percipiantur, nisi & hæc doctri-  
 na solidè intellecta fuerit: Et solidum Theologum tam rei, quàm  
 omnibus Adversarijs satisfacere deceat: Et sufficienter fides no-  
 stra, prout hodiè in Academijs communiter docetur, con-  
 tra Adversarios hodiernos defendi non possit, quod experientia  
 nostri seculi affatim docebit. Cum itaq; de Vbjetate Tractatus  
 per suas species & materias ibi tractandas satis excreverit;  
 materia de Multipraesentiâ, peculiarem Tractatum postere si-  
 bi visum fuit, cum & multa hic tractanda occurrant, & distinctis  
 positionibus distincta materia explicanda veniant. Eum jam  
 BONO CUM DEO, post Tractat. de Esse alicubi, suppedicare  
 constituimus.*



3. Multipræsentiam hic dicimus Entis finiti in binis aut pluribus simul spatijs realem & veram, salvâ Entis essentia & unitate, existentiam. Cumq; Ens finitum vel Substantia sit, vel accidens, utriq; quidem Esse alicubi competit: substantia tamen primò & originaliter, accidenti secundò & dependenter, V. Tract. d. Esse al. sect. 1. §. 24. & hunc Tractat. §. 84. Ad eundem modum & multipræsentia primò substantijs, secundò accidentib; in substantiâ assignanda erit, ac de utroq; distinctis positionibus constituendum erit. Ac substantiæ, & quidem corporeæ multipræsentia, utrum DEO possibilis sit, potissimum hic quasitum est. Priusquam ad argumenta pro eâ procedatur, de Controversiæ statu ritè formando quadam prænotanda veniant. 1. Non quaritur de Naturâ infinitâ, qualis DEI, an ea simul in pluribus spatijs existere possit? Hoc enim ab utraq; parte concessum est, nisi quod Vorstius, Phoriniani, & Arminiani, aliquid hic diversere videantur, ut præcedente Tractat. sect. 2. c. 9. 14. 15. dictum. 2. Nec de vi Nature quaritur, an per Nature vim corpus aliquod in multis spatijs simul esse possit? Hoc enim ab utraq; parte concessum est, fieri non posse, & gentilibus etiam cognitum fuit, ut cit. loc. Sect. 4. t. 65. dictum. 3. Nec de vi Sathanicâ aut angelicâ, an per eam in corpore id præstari possit? Hoc enim fieri non posse etiam utriq; conceditur. 4. Nec de spectris aut phantasmatibus representatis, an per ea ita aliquid apparere queat, ut in pluribus locis simul esse appareat, etsi reverà tamen non sit? Hoc fieri posse etiam conceditur. V: cit. loc. §. 66. 5. Nec de duobus locis partialibus & inadequatis, an in illis una res simul esse possit? Hoc enim per Naturam fieri posse etiam conceditur. Sic homo quantum ad caput, brachia, in alio loco partiali simul est, ac qua pedes. V. c. 1. §. 64. 6. Nec de locisquivocè dictis, an in uno proprio loco, alteroquivocò aliquod simul esse possit? Quomodo quidam in-



## Exercitatio Prima.

5

ternum locum corporis faciunt, unde unum corpus in loco interno simul & externo esse potest. V. S. 27. Sed locus internus locus equivocè dictus est, V. Tract. d. Esse alic. f. 4. S. 44. seq: Eoq; ad hoc quæsitum adducendus non est. 7. Nec an de facto in aliquo corpore ita sit, ut Christi? Hoc enim ex Natura nunquam cognoscitur: Sed an saltem in aliquo divinitus præstari possit? De possibili est quæstio, non de facto: V. c. l. S. 68. Confusio autem Errorum, non accuratiorum, mater est. Sed 8. De loco externo, verè & non equivocè sic dicto, spatium nempe extrà circumstante, quod circumscribere solet & velit corpus suum, totali & adequato, est quæstio, an in illis duobus aut pluribus, corpus aliquod simul citra contradictionem divinitus fisci possit? Hoc imprimis est, quod cum Reformatis ex occasione disceptatorum de Christo in quæstionem venit. Et quod ipsi negant, Nos affirmamus. 9. Si non de Corpore tantum, sed generalius de substantiâ creatâ quaratur, ut & Spiritus comprehendatur, quomodo generalius ante hac à Scholasticis est quæsitum, An creatura possit in multis spatijs simul à DEO fisci, & generalius quæri posse in hac materiâ, certum est, & ex positionibus distinctè secutus constabit, spatium etiam generalius sumendum erit, ut non ambiens tantum comprehendat, quod in corporibus, sed quaecumq; res, Vbi substantia finita & creata, seu corporea seu incorporea illa, hac n. primò alicubi esse dicitur, S. 84. existere intelligatur, sive reale illud sit, sive imaginarium tantum, ut extra mundum, quomodo in ubi etate spatium indifferenter sumendum esse, Tract. d. Esse alicubi f. 1. S. 27. dictum, Et quomodo in hac materiâ à Reformatis Metaphysicè magis, quàm Physicè sumi solet, V. S. 40. Et hic in hac materiâ de Multipresentiâ fermè procedimus. Ut ex sequentibus constabit. Si & de accidente quæstio instituatur, ex ijs, qua in particulari de eo constituuntur, V. S. 104. facilem decisionem sortietur.



4. *Hic de statu Controversiæ præmissis, ad meliorem Tractationis hujus cognitionem adhuc sequentia observanda erunt. 1. Inprimis hæc disceptari cum Christianis, qui Mysteriorum fidei Christiana, ut Trinitatis, Incarnationis, Creationis, Resurrectionis, sessionis Christi ad dextram DEI, consentiunt, & probant, non cum illis, qui vel hæc negant, ut Turci, Persæ, Mahometistæ, Iudei, Athei, Epicurei: vel ex parte non credunt; ut Photiniani. Cum his ex generalioribus Natura fundamentis procedendum erit, ut generali DEI potestate, non implicatâ hac in re contradictione, infiniti supra finitum eminente perfectione, & creatorum ad increata insufficiente analogiâ ac comparatione, & similibus, quæ in Intelligentiâ pluribus proponi deberent. V. S. 22. 23. Hic inprimis cum Reformatis agendum, qui cætera fidei puncta admittunt, sed in multipræsentia dissentiunt, & ob hoc hæc materia post renatum Evangelium inprimis disceptata inter doctos fuerunt. 2. Non debere hæc disceptata pro articulis fidei æstimari: sed difficultatibus Philosophico-Theologicis ex occasione articulorum fidei motis, & in Scholis à doctis & Scholasticarum disceptationum gnatis, inter doctos agitari, ventilari, ac disceptari, ac quæ ad fidei Christiana explanationem, & variam contra contradicentes defensionem, multiplicem utilitatem præstare possint. Utcumq; à simplici Christiano ignorari universa possint, in illisq; nihil ille constituere queat, sed fundamentalia tantum fidei puncta, ad substantiam fidei Christiana pertinentia, & ad salutem scitu necessaria, in simplicitate teneat, V. Tract. de Fide alicubi l. 2. S. 38. Adeoq; dissensus in hac materiâ non debet præcisè pro dissensu in articulo fidei haberi, sed in difficultate aliquâ Scholasticâ ex occasione articuli fidei in Scholis motâ, & disceptatâ, & inquâ inter doctos diversæ sententiæ esse possint, utcumq; in ipso fidei articulo, quantum ad substantiam suam in simplicitate Christiana spectato, conveniant.*

5. Sic



## Exercitatio Prima.

7

5. Sic Trinitatem Personarum in unâ essentiâ Scholasticè communiter consensunt. Sed in varijs difficultatibus Scholasticis ex articulis de Trinitate occasione ortis, & motis, ac ad explicationem, defensionem, & pleniorē ejus intelligentiam facientibus, dissentiunt, quales sunt de relationibus, processionibus, notionibus, personis, formali ratione suppositi, personâ, æqualitate, ordine, prioritate, missione personarum, varijsq; loquendi in hac materiâ modis. Hic non semper omnes eadem sentiunt. Pāctam fidei in summâ simplicitate esse potest, cum Scholastica de eo quasita & disceptata in infinitâ varietate & difficultate consistere possint. Sic Tres esse, qui testimonium dant in cælo, Pater, Filius & Spirit. S. & hos Tres unum DEUM esse, I. Joh. 5. v. 7. Substantialis articulus fidei est, ab omni Christiano sciendus & recipiendus. Sed quæ ad explicationem & defensionem ejus faciunt, à multis simplicibus ignorari possunt. Sic Christum sedere ad dextram DEI, id est, regnare, Interprete Apostolo, I. COR. 15. v. 25. punctum fidei est, & in Symbolo Apostolico expressum. An per substantialem humanitatis in his terris præsentiam id fiat, Scholastica determinatio ejus ex Scripturis eruenda est, & in quâ varia difficultates occurrere & moveri queant, ac consequenter diversa opiniones existere. Conf. c. 1. §. 38. Potest Scriptura simpliciter credi; Etiam si nihil istorum à simplici Christiana sciatur aut comprehendatur. λόγων σκινδαλμὸς à fide refecare oportet, & ad simplicitatem Apostolicam eam reducere, quod & tutissimum, & consentiis Christianis maximè consultum erit. Ut præclare ex Nostri multi suadent. V. D. Calixtum digressi: de arte novâ p. 461. seq. Rectissime hic iudiciosissimus ille Mentzerus in disput. I. contra Apologiam Ludovici Crocij t. 56. ait: Missis ejusmodi contentionibus Metaphysicis, (ut de definitione persona, formali ejus ratione, differentia à naturâ &c.) de quibus



bus nequidem inter ipsos Philosophos convenire hætenus potuit, longe satius & tutius, imò fas & æquum est, & religioni convenientius & aptius, ipsisq; concientiis suavius, properare ad fontem divinæ revelationis, ex eoquè ostendere, DEUM non esse nisi unum, id quod Photinianus etiam concedit, &c. Ubi plura *ad hanc rem lectu digna habet. Ut uberior in libris de simplicitate fidei Christianæ deducam. Manebis verum illud Sapientis* : Difficulus æstimamus, quæ in terrâ sunt, & quæ in conspectu posita, cum labore invenimus. Quæ autem in cœlis sunt, quis investigabit ? Sap. 9. v. 16. *Et illud Apostoli* : Ex parte cognoscimus, & ex parte prophetamus, 1. Cor. 13. v. 9. 3. Si in difficultatibus consensus hic per omnia constitui nequeat, *non agrè qualemcunque dissensum ferendum esse, cum certum sit, in his & similibus intricacionibus semper aliquid dubij supermansurum, nec facile adeò liquidò hic quid constituendum fore, ut non probabiliter in oppositum aliquid reponi possit, nec quæ reponantur, adeò semper infirma futura, ut mereantur contemni. Nec ingenia ad capiendum omnibus aequalia data esse, sed mirabili varietate, ut facies humanas, sic & ingenia à DEO discreta esse, & diversimodè res assequi, concipere, penetrare, sicq; non eadem de iisdem semper sentire aut judicare posse.*

6. His ita præmissis, *quia distincta hic cum Reformatis in quæstionem veniunt, ut de distinctis distinctè agamus, non confuse, distinctis propositionibus brevius in Tract. de Ess. alic. l. 4. §. 69. seq. adductis, rem totam ordine exhibebimus, propositiones nostras confirmabimus, ab exceptionibus dissentientium vindicabimus, & quæ opponi in contrarium possunt, amovebimus. Agemus autem primò de possibili: post de facto. Et quia de corporeâ substantiâ potior difficultas est, ab ea inchoabimus, quid quâ multipræsentiam divina potestas in eâ efficere possit. Hoc*

*enim*



## Exercitatio Prima.

9

*enim constituto in reliquis de spiritali substantiâ Reformatos aequiores nos habituros confidimus.*

7. Dico 1. Potest DEUS absolutâ potestate corpus aliquod in multis locis simul sistere, nec in eo vera ac realis est contradictio, consequenter nec corporis everio. *In hoc credo totius rei consistit. Quod si solidè contra Reformatos hoc confirmatum fuerit, in reliquis minus laboris residuum erit, & faciliores ad consentiendum eos habere poterimus.* Argumenta autem pro confirmandâ assertionem hâc deponam è sequentibus. 1. Ab hypothesebus ipsorum Reformatorum, quas nobiscum communiter concedunt & tuerentur. 2. Perspicuis quibusdam rationibus, partim ex Scripturâ, partim Naturâ desumptis. 3. Hypothesebus & testimonijs Reformatorum proprijs, quæ ipsi, vel nonnulli ex ipsis specialiter pro se tenent ac tuerentur. 4. Testimonijs Patrum & Scholasticorum. 5. Adumbrationibus & similibus quibusdam, quibus ad non incredibile hoc habendum induci quis possit.

8. Ex hypothesebus Reformatorum cum nobis communibus generaliter sic inferre liceat. Quicumq; in Mysticis fieri credunt longè incredibilia, & rationis iudicio magis contradictoria & impossibilia, illi induci possunt, ut credant, fieri posse in illis minùs incredibilia, & coràm ratione minùs impossibilia. Consequentia patet ex illo Logi-  
corum; Si id inest & inesse creditur, quod magis incredibile est inesse, etiam id inerit & inesse credi potest, quod minùs incredibile est inesse. Si equû 15. Milliaria per diem currere credamus, quod minùs de equo credibile: Cur 10. decurrere posse non credatur, quod magis de eo credibile est? Si DEUM ex nihilo aliquid facere posse creditur, cur non substantias transmutare eum posse credatur, cum antecedens sit incredibilius? Si puerum Methaphysicam callere credamus, cur Grammaticam eum scire abnuamus, quam callere eum longè credibilis est? Sed Re-

B

formati



formati in mysticis fieri credunt longè incredibilia, ac hoc, corpus in duobus aut pluribus locis à DEO statui: *Mysterium nempe Trinitatis personarum in unâ numero essentiâ, Creationis rerum ex simpliciter nihilo, Incarnationis & unionis personalis in Christo, Sessionis Christi hominis ad dextram DEI, redactionis rerum in nihilum saltem de possibili, quod DEO possibilis sit, æternitatis divinæ simul omnibus temporum differentiis coexistentis, & resurrectionis ejusdem numero corporis in novissimo die, quæ omnia incredibilia esse §. 10. seq. patebit. Et in mysticis minus incredibilia fieri posse induci possunt, ut credant, inter quæ hoc est, corpus multipræsens à DEO fisci.*

9. Excipitur ad hoc argumentum, consequentiam à majore ad minus Topicam & probabilem esse, non necessariam, nec certum quid inferri, & interdum falsum subesse posse. Sic datam homini à creatore rationem, majus, non statim varias brutorum dotes, ut latratum, mugitum, quæ minora. *Post peccatum anima immortalitatem homini relictam, corporis non, quæ minor.* Deinde & antecedens falsum esse. Enumerata ista non esse magis incredibilia, ac multipræsentiâ, nec implicare contradictionem, ut hanc, & subjeci potestate divina, quod non contradictoria, ut utrinque consentiatur. Ita Chamier To. 2. Panstr. l. 6. c. 10. §. 30. & alij. His quia magnam partem Tract. d. ess. alic. §. 71. f. 4. *satisfactum est, breviter hic dici potest, Non argui hic à majore ad minus in res, quod in multis vacillare scimus: Sed à minus credibili, quod verum assumitur, ad magis credibile, quod impossibile judicatur. Quod longè diversum est.* Quia Reformati puncta quædam, rationis judicio absurdissima, nobiscum tenent & defendunt; Vt Trinitatem, Incarnationem, Unionem personalem, annihilationem, carnis resurrectionem, nec contradictionem.



## Exercitatio Prima

11

ditionem, etsi speciosè à ratione pictam, in illis agnoscunt: magis multipræsentiam corporis Deo possibilem agnosce- re deberent, *nam nec in hac vera est contradictio*, §. 23. Et in eodem rerum genere manetur, mysticis ac potestati divinæ subjectis, *non finitis & cursu Natura*. Iam hic processus vali- dissimus est, & ad exempla Chamieri prorsus imperinens. *Non n. ratio in homine minus credibile quid est, quod ei com- petere debeat, & dotes brutorum magis credibile quid: Sed con- trā res se habet, & nostro arguendi modo prorsus hoc non respon- det.* Exempla Chamieri à maiore rei ad minus rei procedunt: Nostra à minus credibili ad magis credibile, & sic contrarius pro- cessus est. Posito etiam, probabilem saltem hanc consequen- tiam esse: in intricatis & abstrusis materijs *satis est, proba- bilia asserre, ut benè observat Suarez, d. 18. Meta l. 3. §. 16.* Qualis & hæc de multipræsentia finiti est. *Et enumerata puncta incredibilia, vel saltem aequè incredibilia esse, quàm multipræsentia corporis est, §. 10. seq. patebit.*

10. Iam Specialiter per singula membra probandum, Enumerata illa longè incredibilia videri, quàm corpus in pluri- bus spatijs præsens sisti. In Mysterio Trinitatis credi postulatur & à Reformatis nobiscum creduntur sequentia: Tres personas unius Numero & Individua essentia esse. Essentiam summo mo- do unam, ipsam unitatem, simplicitatem, Indivisibilitatem, in tres hypostases realissimè & oppositè à se diversas, communicari. Hypostases istas verissimè à se differre, oppositis relationibus sibi opponi, ut una alteri sit opposita, eoque altera nequeat esse altera, sed cum essentia realiter idem esse, ut in quavis personā tota & totaliter sit essentia Divina, sed multiplicari tamen personas in Trinitate, Essentiam autem simplicissimè unam manere in summā simplicitate. Quamvis personam totam essentiam amplecti non partem ejus: Nec tamen ad multiplicationem personarum multi-



*plicari essentiam, sed eandem numero & individuum manere. Patrem generasse filium, qui totam eandem numero essentiam habeat, quam pater: Nec tamen filium generando generasse seipsum, Quamvis eadem utriusq. essentia sit. De personis oppositas relationes enuntiari posse, qua de essentiâ non possint, cum tamen realiter ipsa essentia sint. Patrem esse deum, filium esse, Spir. S. esse DEum: nec tamen tres esse DEos, sed unum numero. Patrem eandem habere essentiam numero, quàm filius & Sp. S. sed in Patre generantem esse, Filio generatam, Spiritu S spiritam. Ita tres diversissimos, imò oppositos modos habere, eandem tamen numero manere. Hæc omnia ratio sibi relicta, Verbo dei & cognitione Mysteriorum fidei non illustrata, ac ex proprio judicans, pro absurdissimis, Contradictorijs, & inconsistentibus habebit, *Ut inter Coetera, missis Gentilium jntricationibus, Photinianorum hodiernorum scripta & argutationes evincunt, V. c. l. t. 72. Non tamen hoc curato idem à Reformatis creditur, & contra Photinianos defenditur, ut pluribus c. l. O. stensum.**

II. *Qua de rerum diversâ ratione ulterius hic excipi solent, c. l. t. 73. sunt discussa. Hic breviter notandum erit. I. Diversitas rerum, de quibus infertur, probabilitatem arguendi in ipso argumento, si ea aliàs legitima sit, tollere aut evertere non potest. Potest n. argumentum à minus credibili, quod conceditur, ad magis credibile, quod negatur, duci, etiamsi res ipsa diversissima sint. Si internum quid, & realiter cum essentiâ idem, per mysteria fidei multiplicari creditur, essentiâ non multiplicatâ, nec admitti creditur Contradictio: Cur externum quid in re per potestatem divinam non multiplicari posse credatur, non multiplicatâ re, nec implicatâ Contradictione, sed hoc prorsus impossibile judicetur, cum tamen prius longè rationi videatur incredibile, Et tamen à Reformatis nobiscum concedatur. Quod Deus infinitus, Corpus finitum, res, de quibus arguitur, earumq. habitudines.*



## Exercitatio Prima. 13

*habitudines, diversas quidem facit: Sed nostram arguendi vim in incredibilitate & credibilitate fundatam, non infringit. Manet n. major impossibilitas Rationis in priore, quàm postiore. Et prius tamen possibile creditur. Cur posterius tale negatur?*  
 2. Quantum ad infinitatem pertinet, etiam paritas in nostro casu est. *Ut ibi essentia infinita, in quâ id evenire creditur, ut multiplicentur supposita, unâ numero manente essentiâ: Sic hic potestas infinita, per quam multiplicantur loca, unico numero manente Corpore. Per vim finitam enim id non fieri conceditur, §. 3.*

12. Alij excipiunt, Essentiam & personas Divinas non esse factibile quid, nec objecta potestatis divina circa factibilia occupata, sed simpliciter essentialia & Naturalia esse: Multiplicationem autem Corporis, si possibilis, factibile quid esse. R. Instantiæ & Comparationes sæpè à rebus toto genere diversis sumuntur. V. §. 37. Sic & ab eo, quod fieri & esse in divinis conceditur, ad aliud, quod in illis factibile esse assumitur, inferri poterit. Deinde, ne hic factibile rigidè dictum cum alio factibili & objecto potestatis divina confertur: Sed simpliciter argumentum à magis incredibili ducitur, quod Reformati & de facto in divinis ita se habere, adeoq; & esse posse citra contradictionis implicationem, assentiunt, ad minus incredibile, quod simpliciter fieri posse negant, & pro absolutè impossibili habent: Ac ostenditur, ipsos magis absurda rationi pro possibilibus habere, & in minùs absurdis credendis adeò rigidos se præbere. Quod contrà potius agendum esset, & si Contradictiones urgenda essent, in illis potius urgenda essent, quæ magis ἀτοπα & absurda rationi videantur, quàm in illis, quæ minùs talia. Coetera extra scopum nostrum sunt. V. c. l. §. 74.

13. Ab alijs excipitur, Tres personas in unâ essentiâ esse, clarissimè in sacris esse revelatum, 1. Ioh. 5. v. 7. Matth.



28. v. 19. Eoq̃, contradictorium censeretur non debere: Sed Corpus in multis locis esse non ita revelatum, & totum adhuc controversum esse. Vnde ab illo possibili ad hoc argui non posse. R. Nondum hic quaritur, quid defacto in aliquo Corpore sit, de quo S. 81. demum constituetur: Sed de possibili saltem, quid divinius in ea esse possit. Iam si possibile est longe incredibilius in divinis, Cur non possibile sit credibilius? Deinde etiam aliquod Corpus in pluribus locis esse, in sacris satis clarè revelatum est, S. 81. Sed controversum fecerunt Reformati, quia Contradictorium esse anteceperunt, eoq̃ omnia coetera potius egerunt, quàm id de Corpore concederent. Eodem Modo Photiniani Tres personas ejusdem numero essentia esse, Contradictorium esse antè posuerunt, indeq̃ omnia egerunt potius, variasq̃ tenebras Scriptura locis obfuderunt, quàm ut illud in sacris revelatum esse concederent. Qui jam Contradictorium aliquid esse præconcepit, eum caligare oportet etiam ad clarissimas revelationes, quibus qualemcunq̃ sensum potius inesse censebit, quàm eum, cui Contradictionem subesse jam præconcepit. At in Christianismo & fidei rebus longè aliter procedendum, & à revelatione gratiæ inchoandum esset, eaq̃ præassumptâ nostræ rationis contradictiones apparentes magis, quàm solidas esse, censendum, ac de qualicunq̃ Conciliatione potius cogitandum esset, Quàm præsuppositâ Contradictione Vis lumeni gratiæ inferenda, quovisq̃ modo illud subruendum esset, ne à nostrâ Contradictione dimoveremur. Sic Abraham agebat, cum effectum Corpus suum aspiceret. Rom. 4. v. 19. 20. Maria, cum se gravidam futuram audiret, & virum se non cognoscere sciret. Luc. 1. v. 38. Sic Apostolus agendum jubet, 2. Cor. 10. v. 4. 5. Et in primâ Coenâ illustre exemplum omnes Apostoli præbuerunt, quomodo fides Christiani verbo nitatur, suspensis aut rejectis omnibus rationis & Natura contrarietatibus. Matt. 26. Marc.

14. Luc. 22.



## Exercitatio Prima.

15

14. Luc. 22. *Ac si de Contradictionibus pingendis res sit, aque plausibiliter eas in Trinitate colorabunt Photiniani, ac in Corpore multiprasente poterunt Reformati, V. §. 10. Nec tamen mouentur eo Reformati. Cur nos hoc moueremur? Veram autem Contradictionem in Corpore multiprasente inferri Nos negamus, & hypothesin tantum Adversariorum dicimus, V. §. 22. 23. Vltimò etiam regeri soles, Essentiam divinam esse quid commune, adeoque tribus diversis hypostasibus substat posse. Sed Corpus esse individuum, ideo non in pluribus locis simul esse posse. Sed his jam c. 1. §. 74. occursum. In duobus locis esse Unitatem corporis Numericam non tollit, sed diversas saltem ubicationes in uno divinitus ponit, in quo nulla vera est Contradictio, V. §. 53. 54.*

14. 11. *Mysterium Creationis rerum ex simpliciter nihilo & non ente incredibilius est, quàm Corporis in duobus locis simultanea à DEO collocatio. Et tamen illud nobiscum defendunt & credunt Reformati. Cur hoc penitus incredibile habent? Antecedens patet, quia ad mysterium Creationis credendum credere pertinet, Essentiam aliquid nancisci ex nihilo negatius & simpliciter non ente, tanquam termino à quo, unde Ens prodeat, & essentiam internum ac constitutum Entis Creati esse principium, per quod res esse incipiat, cum antea nihil simpliciter esset. Sic ex nihilo incipere fieri aliquid, cum antea nihil esset. Iam inter nihil & aliquid, Ens, & non ens, verum & non verum, infinira est distantia, quam suppleri ab aliquâ potestate posse, rationi ex suis principijs iudicanti incredibilius videbitur, ac Corpus binas locationes nancisci, ubi semper inter aliquid & aliquid manebit proportio, non ens cum nihilo in comparisonem veniet. Hac a. proportio rationi credibilior ac plausibilior, ac prior. Deinde loca multiplicari in Corpore, consequens saltem aliquod multiplicari est, non constitutum rei.*



*rei. Est n. locus consequens saltem Corporum ex contiguitate aliorum circumjacentium in illis sumptum, ut tract. d. es. alic. §. 6. seq. s. 4. dictum. Ens a. ex non ente fieri ipsa constitutiva principia concernit. Sed consequentia rerum tolli, mutari, aut multiplicari in rebus divinitus posse, longè facilius perspicies ratio, quàm essentialia constitutiva rebus ex nihilo dari. Sic propria divinitus tolli & mutari posse, ratio videt. Sed essentialia principia tolli aut mutari, non videt, & reverà impossibile est. Et aliquid ex puro nihilo à DEO fieri Photiniani pro absurdo & impossibili habent, unde materiam rerum primam DEO coeternam & increatam statuere, non improbable ducunt. V. Molcorovium d. bapt. c. Smiglec. c. 3. p. 78. 79. & Refut. appendic. c. Smiglec. p. 30. Smalcium d. 7. c. Frantz. p. 415. Volkeliu l. 2. d. ver. Rel. c. 2. Nec Vorstius multum hic alienus est. V. appendi. con. Sladum §. 86. Est alibi aliter, ut tract. d. DEO, p. 37. 244. & in Confess. brevi §. 12. Et in appendice c. Slad. §. 78. 80. 81. Et ante illos Marcion id statuit. Pontan. in Catalog. hæretic. c. 33. Et Hermogenes, V. Tertullianum l. c. Hermogen. Quia ergò in mysteriis fidei ratio hoc credit, Esse rebus datum ex non esse: Cur adeò incredibile habeat, eum, qui ex non esse facit esse, etiam esse sine loco conservare, aut in duobus locis simul collocare posse. Plus n. est, ex simpliciter non ente Ens facere, quàm unum Ens in duobus externis circumstantibus, qualia loca sunt, simul constituere. Prius Deum posse Nobiscum fatentur Adversarij. Et de posteriori ergò ita rigidi esse non debebant. Qua hic reponi possunt, ex tr. d. es. alicu. s. 4. §. 75. explicationem habent. Creatio est Dei ex non ente in ens substantialis mutatio: Sed multilocatio est nova ejusdem rei manentis ad diversa spacia eodem tempore divinitus facta adductio, & in illis consuetio. Corpus ergò manere potest, & novus modus in pluribus essendi, divinitus ipsi inferri.*

15. III. *Myfterium incarnationis longè incredibilis* est, ac unum Corpus in duobus locis esse. *Et tamen idem nobiscum propungnat* Reformati. Antecedens patet, nam in eo credendum, 1. Singularem aliquam humanitatem sine propriâ subsistentiâ & personalitate esse. 2. Hominem integrum Individuum sine personâ humanâ esse, h. e. Naturam intellectualem sine intimo essentiali suo modo, personalitate, integram esse, & modum, ultimum et complementum dantem, ab eâ remotum esse. 3. Hominem in Naturâ tantum consistentem esse verum & completum hominem. 4. Eundem in infinitam ipsius immensæ Dei subsistentiam trahi, ut pars personalis persona Dei composita fiat. 5. Infinitam Dei naturam cum humanâ Naturâ in unam personam concurrere. 6. Duas istas naturas unum compositum personale facere. 7. Compositum illud ex homine & DEO velut partibus personalibus constitui. 8. Hominem in istâ constitutione verissimè DEum, & DEum verissimè hominem esse, Deum incarnatum, & hominem desiccatum esse. Hæc omnia ratio sibi relicta, ex suis tantum principiis informata, verbo Dei & mysterijs fidei non illustrata, pro absurdissimis & impossibilibus habet, prout hoc dogma tanquam monstruosissimum, & ab omni sensu humano alienum, à Photinianis incessitur, Smalcio, Crellio, Ostorodo, Socino, alijsq; quos c. l. §. 76. allegavi. Nec unquam Aristoteli aut alij gentili ex Naturâ judicanti persuaseris, possibile hoc esse: Nec nos ex Naturâ possibilitatem rei satis pervidere possemus, nisi mysteria fidei tanquam vera, ante præsupposuissemus. At hæc omnia, non attentis rationis absurditatibus, nobiscum tenent & defendunt Reformati. Possent ergo & in multipresentiâ Corporis possibili DEo credendâ æquiores se exhibere. Plus n. distat Natura infinita Dei à finita hominis, quàm duplex locus à Corpore, ubi finitum & finitum adhuc condescitur. Si in personâ divinâ spirituali-



ratem & immensitatem esse dicas, per quam aliā Naturam simul recipere & terminare possit, Cum in corpore sit materialitas, finitas, mensuratio, ob quam ultra conmensuratum sibi spatium extendi non possit, nihil proficiet. Incredibilius n. inde mysterium fit. Si natura divina immensa, multo minus ratio cum finito unum Personale constituere posse dicet. Quod si hoc divinitus fieri non est impossibile: Cur corpus unum ad duo loca simul adducere, divinitus impossibile censeatur? Plus immensum à mensurato, infinitum à finito, quàm duplex locus ab uno corpore distat. Plura c.l. vide.

16. IV. Mysterium Sessionis Christi ad dextram Dei incredibilius rationi est, quàm Corpus in duobus spatijs fitti. Et tamen credunt illud Reformati. E. & hoc credere possent. Antecedens patet, Quia in illo credendum, 1. Hominem aliquem super omnes Creaturas, etiam angelos, erectum. 2. Ad ipsum imperium & potentiam divinam evehi. 3. Dominio divina & per modum dextræ Dei, non humanæ, omnibus dominari, eaq. gubernare. Modus a. dextra Dei non est secundum substantiam absentis, qui dextra humana est, sed presentis. Sic n. dextra Dei in sacris describitur. V. c. l. t. 77. 4. Omnia posse efficacissimè in Coelo & in terrâ. 5. Administrare cum DEO omnia ei subiecta, ut nil sit, quod ei subiectum non sit, usq. in æternum. Hac omnia incredibilia Rationi non illustrata sunt, quàm Corpus in duobus spatijs esse. V. plura c. l. V. Mysterium annihilationis rerum incredibilius est, quàm multipræsentia Corporis. Hoc n. esse rei simpliciter in non Ens resolvit, quod Natura impossibile iudicat, & gentilibus pro impossibili habitum est, ut c. l. ostensum: Multipræsentia Esse corporis relinquit, & in duobus locis tantum divinitus adducit. At illud possibile DEO esse credunt Reformati, etsi de facto in annihilatione mundi in novissimo die quidam dubitent. Vbi tamen quidam Eorum omnino consentiunt, ut Beza in not. maj. Rom. 8.

v. 20. Tilenus par. 2. disp. 67. t. 37. Chassanio l. 3. l. C. c. 22. n. 3. Polanus in Symph. Cath. c. 28. t. 3. alijsq; *E. & posterius non absolute DEO impossibile, habere debent.*

17. VI. Durationem aliquam omnibus temporum differentijs coexistere, nec tamen mutari vel fluere, sed eandem perpetuò manere, incredibilis rationi est, quàm unum Corpus in duobus locis sistere. *Tempora n. perpetuò fluunt & succedunt, differentia eorum non simul sunt, sed cum una est, altera non est. Vbi prateritum, non praesens a. futurum est: ubi hac, non illud. Hic durationem aliquam identitate sui coexistere Contradictorium judicat Ratio, ut ex Photinianis Dec. 1. Miscell. d. 1. t. 42. ostensum. Loca a. manent, non fluunt. Sed de aternitate antecedens credunt Reformati, & contra Photinianos defendunt. E. & multipraesentiam non absolute impossibilem habere debent. Qua hic exipiuntur, c. 1. §. 78. dissoluta sunt.* VII. Reproduci unum Corpus, & bis in diversis temporibus fieri, & tamen unum Numero manere, non duplex fieri, rationi absurdus & plus Contradictorium videtur, quàm unum Corpus duobus locis sisti. *Nam bis producti est binis actionibus produci: bina actiones duplicem terminum habent: Terminus hic est Corpus: Quomodo hic non duplex Corpus? Quod bis pingitur, scribitur, sculpsitur, duplex pictura, Scriptura, Sculptura est. Essentialiter corruptum esse, & novâ actione, resurrectione, reproduci, duplex Numero importat. Discretis temporibus redire & existere, Corruptum esse & reverti, & unum idemq; Numero esse, Ratio merè Contradictoria judicat, ut ex Photinianis c. 1. §. 79. ostensum est. Sed tamen de Resurrectione mortuorum hac omnia credunt Reformati. Cur Corpus duobus locis sisti pro absolute impossibili habeant? Si hic Naturam, Contradictionem, eiusq; vim, & potentiam Dei restrictam ur-*



gere velimus, vix Resurrectio ejusdem Numero substantia consistet. Quæ hic obverti possunt, c. l. discussa sunt.

18. Ita prima & potissima Classis argumentorum pro non impossibili Multipræsentia Corporis deducta fuerit, ac quam præcipuum robur in hac materiâ habere existimo. Vi mirum sit, cum in dictis materijs Contradictiones non curent, quare in nostro negotio adeò sollicitè eas quarant & urgeant, cum in istis, si non magis, æquè tamen plausibiliter Ratio eas fingere ac colorare possit, ac hoc. Et si ista non crederent aut defenderent, prout Photiniani pleragq; eorum negant, non mirarer, & hic mera Contradictoria eas collocare. Sed cum ista omnia fateantur, & de hoc adeò sollicitos se teneant, jure mirari habeo. Quæ de penetratione Corporum, & duorum in uno loco existentia, adduci solent, apud Reformatos locum non inveniunt, eog; in primâ classe proponi non debent, ubi ex utrinq; concessis arguere promissum est. V. §. 7. Quædam Tr. d. eff. alic. f. 4. t. 88. 89. sunt adducta. Sequatur Secunda classis à rationibus ex Scripturâ & Naturâ desumptis. Vbi 1. Sic argui potest. Quod Deus de facto in aliquo Corpore aliquando præstitit, id eum præstare posse Nemini dubium esse potest. Factum n. præsupponit Veritatem potentia agentis. Sed in Christi Corpore Deus aliquando præstitit, ut in Coelo & terrâ simul esset, cum Paulo in viâ appareret. Actor. 9. v. 4. 17. c. 22. v. 14. E. Deum id præstare posse extra dubium est. Quæ ad Minoris confirmationem adduci possunt, c. l. §. 80. deducta sunt.

19. Varia ad hoc argumentum à dissidentibus exipiuntur. I. Coelum esse domicilium Christi ordinarium, quod ordinariè non deserat. Extraordinariè tamen in singulari revelatione ad tempus certi finis gratiâ deserere posse. Et sic in ista apparitione factum fuisse. R. Ad hac satis responsum de eff. alic. f. 4. §. 81. Et ex Consideratore aliquo & Bezâ inconsistentia ejus ostensa.

## Exercitatio Prima.

21

ostensa. 2. Paulū Christū, sed in spiritu, non oculū Corporū, vel si hū, in Cælo & remotū vidisse, non in terrā & adstantem. Ita Ambrosius, Augustinus, alij. Cum quibus Chamier c. l. c. 9. R. 1. Ita vidit, ut Petrus & alij Apostoli. 1. Cor. 15. v. 8. c. 9. v. 1. Sed hi nec in spiritu, sed Corpore, nec in Cælo remotum, sed in terrā adstantem & propinquum viderunt: Et vocem etiam ex ore ejus sibi loquentis audivit, §. 80. c. 1. 2. Posito, in spiritu, h. e. in spirituali elevatione & exaltatione vidisse: Res tamen ipsa verissimè sub ista spirituali visione subsistit, & adstantem ac presentem loquentemq; sibi in vera ac reali corpore, non imagine aut merā phantasiā, vidit. Visio hæc rem visam in substantiā propriā realiter exhibuit, non merā imagine & specie ac representatione lusit. Argumentum enim confirmandi Paulum in fide Christianā inde sumitur. Quod Iesum ipsum viderit, qui ei apparuerit in viā, Act. 9. v. 17. Quod à nudā imagine & specie sumi non potuit. Tò in Spiritu ad modum videndi in Paulo, subjecto vidente, pertinet, non objectum & rem visam, Christum, q. is spirituali saltem specie formatus apparuisset. Paulus spirituali modo abreptus & illuminatus Christum realiter presentem vidit: Non Christus in spirituali & ideali specie saltem est visus. In quo Piscatorem consentientem habemus. V. §. 20.

20. 3. Illud, in viā, non locum, in quo vidit, sed certissimam circumstantiam, Vnitatem & singularitatem viæ notat, quā Paulus iter faciens vidit Christum, sed è summo Cælo, velut loco, ut certissimè sibi revelatum esse nosceret Paulus, quod sibi acciderat, annotato loco & tempore, quo accidisset. R. Vnius inclusio non est alterius exclusio. Notat illud circumstantiam loci, quo apparitio facta: & simul modi, quo facta, propinquè in terrā, non remotè in Cælo. Hoc cætera enumerata docent, & hoc ad Pauli confirmationem multum faciebat. Locum sollicitè adducere opus non erat, cum apparitio nova



esset. & quo loca facta, probè Apostolo nota. Sed modum referre multum ad vim confirmandi Paulum intererat, ut sciret, non absentem, sed præsentem illum & propinquum Iesum se vidisse: Nec è Cœlo remotissimo sonantē, sed in terrâ propinquum sibi & in luce adstantem audivisse, quem tūc persecutus, postea predicare debebat, & annunciare ea, quæ ipse oculis suis vidisset. Act. 26. v. 16. 4. Si in terrâ corpus Christi, & à comitibus Pauli visum fuisset. *At nihil hi viderunt.* Act. 9. v. 7. R. Hoc verò non sequitur. *Gloriosa corpora non semper, ubi sunt, actu & ab omnibus videntur, sed & Cœtera omnia paria esse oportet, ut videantur. Non enim sufficiens proportio inter oculum non glorificatum videntem, & Corpus glorificatum videndum, ut hoc ab illo perpetuò actus percipi cogatur. Sic Christus non visus Nazarethanis, nisi per medium eorum transiret,* Luc. 4. v. 30. Conf. Ioh. 8. v. 59. Luc. 24. v. 31. *Atinūs hoc de Christi corpore ad dextram DEi jam exaltato affirmandum.* Consentientes hic quosdam ex ipsis Reformatis habemus, ut alibi dicturus sum. 5. Non vidit Christum Paulus, nam à luce exæcatus erat. Act. 9. v. 8. R. Postea hoc factum. *In principio apparitionis omninò vidit.* Act. 22. v. 14. V. §. 18. *Nec omnis lux circumfulgens protinùs excacat.* V. Luc. 2. v. 9. *Cœtera, qua Chamier excipit, ex allatis facilem habent explicationem. Et in totâ hac re nobiscum consentientem habemus Piscatorem in Schol. Germ. Act. 9. v. 7. Vbi Christum Paulo præsentem oculis corporis visum esse concedit, Et ex 1. Cor. 15. v. 8. ac Act. 22. v. 6. 14. confirmat. Alij & apparitionem Act. 23. v. 11. hic adducunt. Sed multum Controversa hic, & per visionem nocturnam geri potuisse, ut Act. 18. v. 9. absurdum non est.*

21. 11. DEus verum & substantiale corpus Christi substantialiter præsens in Coenâ sistit sub pane manducandum,

candum, verumq; sanguinem ejus sub vino hauriendum, ut ex institutione & verbis Cœna omnino consequitur, & consensienter à Patribus creditum est & assertum. V. §. 30. E. aliud quod verum Corpus multis in locis præsens sibi divinitus, non est impossibile. Antecedens in Theologicis latius confirmandum. Ergo, alibi pluribus docebo. V. §. 81. III. Qui superabundanter facere potest supra, quàm petimus aut intelligimus, is & ea præstare poterit, quæ nobis Contradictionem videntur implicare, modò reverà non implicent, aut DEUM imperfectionis arguant. Nam & ista inter ea, quæ supra, quàm intelligimus, sunt. At DEUS ita potest. Eph. 3. v. 20. Et corpus in duobus locis sibi, veram Contradictionem non implicare, §. 22. 23. videbimus. Ergo & corpus in duobus locis sistere poterit, utcumq; Contradictio aliqua in eo esse appareat. DEO n. omnia possibilia sunt. Matth. 10. v. 27. Nihil ei impossibile. Gen. 18. v. 14. Jerem. 32. v. 17. & 27. Zach. 8. v. 6. Luc. 1. v. 37. Secundum operationem suam omnia sibi subijcere potest. Philip. 3. v. 22. Ejus infirmitas major nostrâ potestate est. 1. Cor. 1. v. 25. Sed nos per nostram potestatem species rerum interdum multiplicamus, re ipsâ unicâ manente, ut in speculo fracto, V. t. 35. 36. E. Deus suâ potestate simile aliquid præstare poterit, & loca rerum multiplicare, salvâ unitate rerum locatarum.

22. IV. Qui est author & Creator Naturæ, is supra & contra etiam Naturam ejusq; inclinationem interdum agere potest. Ut enim Naturam fecit esse, cum nihil esset: Ita & aliò flectere, & aliter esse facere potest, cum volet. Ita aquis liquidis manentibus fluorem, motum Solis contra Naturam detrahebat. V. §. 25. l. 4. d. eff. alic. Conf. §. 69. Sed DEUS est author & Creator Naturæ. E. & contra Naturam interdum agere potest. Et consequenter corpus in varijs ubi ponere, etsi ex naturâ suâ ad



*ad unum occupandum per se sit determinatum, eoque naturali sua  
ubjetate circumscriptivâ inclinet.* V. Quod veram & realem  
Contradictionem, h. e. veram rei ipsius everfionem in esse  
rei à priori a. posteriori non involvit, & aliàs Deo non indig-  
num ac deficiens quid est, Deum posse certum est. *Et in hoc  
utrinq; consensus est, nec hoc Reformati negabunt. Et quod  
Contradictorium non est, id veri, entis, positiui, actualis, &  
intelligibilis rationem obtinere posse, certum est. Quod ens esse  
potest, in eam potentiam cadit, quæ Omnipotentia est, quæ ad  
omnes res, in quibus entis & veri ratio est, valet, qualis est Dei  
potentia.* Sed corpus divinitus in duobus locis fisti, *veram  
Contradictionem nec à priori, nec à posteriori, involvit.* Vel e-  
nim enim ex naturâ corporis hoc repugnaret, vel naturâ  
quantitatis in corpore, vel loci aut essendi in loco, vel ex  
naturâ potestatis id facientis. *Plura enim hic dari non possunt.*  
At ex nullo repugnat. Non ex naturâ corporis: Vel enim  
ex naturâ Vniversalis, vel singularis Corporis id sequeretur.  
Non Universalis: *Locus enim & locationes Vniversalium natu-  
ram non ingrediuntur, ut nec conditiones temporis, concedente  
Crocio p. 1. Conv. Pruten: q. 8. p. 424. Et vel ex princi-  
pijs ejus internis, materiâ & formâ repugnaret: At hac nihil ad  
locum, nec locus ex ijs sequitur, ut §. 16. l. 4. d. est. alicui. osten-  
sum.* Corpus est, quod materiâ & formâ constitutum est, sine  
respectu ad locum aut ullum externum quid: Vel ex attributis  
internis principia interna necessario comitantibus.

## Auctarium.

Thefi 2. Arminianos negare Multipræsentiâ Corporis  
DEO possibilem esse, dictum est. Plenius ac distinctius istud ex  
Apologiâ ibi citatâ con: Censuram Leidensem c. 23. p. 257.  
Et Vedelio Rapsodoc. 10. p. 191. Et cap. 11. p. 213. patere  
potest. Quæ loca hanc in rem videri queunt.

gmo


emis.  
anfe.


, vel  
non  
nsub.  
pro.  
qvar.

✠


Yus.













Biblioteka Jagiellońska



stdr0019291



